

Na osnovu člana 90. Zakona o javnim nabavkama Bosne i Hercegovine (Službeni glasnik BiH br. 39/14), (u daljem tekstu: Zakon), a u skladu sa članom 8. Pravilnika o postupku direktnog sporazuma Agencije za javne nabavke BiH (Službeni glasnik BiH br. 90/14), člana 27. stav 1. alineja 6. Zakona o ustanovama (Službeni list R BiH broj 6/92, 8/93, 13/94), člana 27. stav 1. i stav 5. Pravila JU MES-međunarodni teatarski festival-Scena MESS broj:220-PR/15, u skladu sa članom 2. Poslovnika o radu Upravnog odbora, Upravni odbor JU MES-međunarodni teatarski festival-Scena MESS, na sjednici održanoj dana 17.02.2016. donosi

## **PRAVILNIK O POSTUPKU DIREKTOG SPORAZUMA**

### **Član 1. (Predmet Pravilnika)**

Ovim se Pravilnikom definira postupak javne nabavke, roba usluga i radova putem direktnog sporazuma iz člana 90. Zakona o javnim nabavkama (u daljem tekstu: Zakon).

### **Član 2. (Uslovi za primjenu direktnog sporazuma)**

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM ( bez PDV).
- (2) JU MES-međunarodni teatarski festival-Scena MESS može tokom jedne godine za isti predmet nabavke potrošiti do 6.000,00 KM putem ovog postupka.
- (3) JU MES-međunarodni teatarski festival-Scena MESS može započeti postupak direktnog sporazuma, ako je takva nabavka predviđena planom nabavki, donošenjem odluke iz člana 18. stav (1) Zakona ili kada ugovorni organ donese posebnu odluku o pokretanju direktnog sporazuma u skladu sa članom 17. stav (1) Zakona.

### **Član 3. (Principi dodjele direktnog sporazuma)**

Postupak direktnog sporazuma se provodi na način da se osigura poštovanje principa iz člana 3. Zakona,

### **Član 4. (Početak postupka)**

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona.
- (2) Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke ili rješenja direktora u pisanom obliku koje sadrži sve elemente iz člana 18. stav (1) Zakona.

### **Član 5. (Izvršenje postupka)**

- (1) JU MES-međunarodni teatarski festival-Scena MESS ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.

- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, JU MES-međunarodni teatarski festival-Scena MESS:
- pregovara sa ponuđačem/ponuđačima o cijeni i/ili
  - prihvata prijedlog cijene ili ponudu jednog ponuđača i/ili
  - provodi drugu vrstu postupka definisanu Zakonom.

**Član 6.**  
**(Izbor ponuđača)**

- Kod izbora ponude na osnovu koje će biti dodijeljen ugovor, JU MES-međunarodni teatarski festival-Scena MESS treba uzeti u obzir faktore kao što su cijena, količina, kvalitet, tehnički opis, estetske funkcionalne zahtjeve, karakteristike koje se odnose na okolinu, vrijeme i period isporuke i sl.
- JU MES-međunarodni teatarski festival-Scena MESS bira ponuđača na način koji garantira najbolju razmjenu vrijednost za novac, a kada vodi pregovore koji se odnose na prijedlog cijene ili ponudu, djeluje u skladu sa dobrom komercijalnom praksom.
- Kada se traži prijedlog cijene ili ponuda, JU MES-međunarodni teatarski festival-Scena MESS daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

**Član 7.**  
**(Zaključivanje direktnog sporazuma)**

- Direktni sporazum smatra se zaključenim kod nabavki čija vrijednost iznosi do 1.000,00 KM prilaganjem računa ili druge odgovarajuće dokumentacije.
- Za javne nabavke čija vrijednost je viša od 1.000,00 KM, JU MES-međunarodni teatarski festival-Scena MESS je dužna zaključiti ugovor.

**Član 8.**  
**(Prijelazne i završne odredbe)**

Izmjene i dopune ovog Pravilnika vrše se na način propisan Pravilnikom o javnim nabavkama Agencije za javne nabavke BiH i po postupku njegovog donošenja.

**Član 9.**  
**(Stupanje na snagu)**

Ovaj Pravilnik stupa na snagu danom donošenja.

Broj: 29-1/17

Datum: 17.02.2017.god.



Predsjednik Upravnog odbora

Emir Kapetanović